

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog Konkurentskog zahtjeva za dostavu ponude, broj: 05.12.100-7523-1/20 od 28.12.2020.godine, te Odluke o izboru najpovoljnijeg ponuđača broj: 05.12.100-7523-Odluka o izboru/21 od 18.01.2021. godine dodjeljuje se Okvirni sporazum za sukcesivnu nabavku Nafte i naftnih derivata, za potrebe J.U. Zavoda za javno zdravstvo Kantona Sarajevo, zaključuje se sljedeći:

## **OKVIRNI SPORAZUM ZA SUKCESIVNU NABAVKU NAFTE I NAFTNIH DERIVATA**

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Prof.dr sci med. Aida Pilav, direktorica (u daljem tekstu: Ugovorni organ)

i

**HIFA-PETROL d.o.o. Sarajevo, ul. Hotonj bb Vogošća**, identifikacioni broj: 4200999090005, koga zastupa direktor Muhamed Vrabac, (u daljem tekstu: Dobavljač), zaključili su:

### **I PREDMET OKVIRNOG SPORAZUMA**

#### **Član 1.**

Predmet ovog Okvirnog sporazuma je nabavka NAFTE I NAFTNIH DERIVATA za potrebe J.U. Zavod za javno zdravstvo Kantona Sarajevo, a prema Ponudi broj: JN-29/21 od 06.01.2021. godine, koja je sastavni dio ovog Okvirnog sporazuma.

#### **Član 2.**

Ugovorni organ naručuje predmetnu robu, a Dobavljač prihvata da isporučuje istu, a na osnovu provedenog postupka javne nabavke putem konkurentskog zahtjeva za dostavu ponuda i Odluke Ugvoornog organa o izboru najpovoljnijeg Ponuđača.

#### **Član 3.**

Ugovorni organ i dobavljač su saglasni da Okvirni sporazum realizuju prema već definisanim uslovima u Obavještenju o javnoj nabavci putem konkurentskog zahtjeva za dostavu ponuda (u daljem tekstu: Obavješetenje) i prema tenderskoj dokumentaciji (u daljem tekstu: Tenderska dokumentacija) i to:

- Ugovorni organ prema zahtjevima u Obavještenju i Tenderskoj dokumentaciji
- Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi putem konkurentskog zahtjeva za dostavu ponuda.

### **II UGOVORENA CIJENA, OBRAČUN I NAČIN PLAĆANJA**

#### **Član 4.**

Na osnovu Okvirnog sporazuma, Ugovorne strane će zaključiti pojedinačne Ugovore sa rokom važnosti ukupno do važnosti Okvirnog sporazuma, zavisno od interesa Ugovornih

strana, a pod uslovima utvrđenim u Obavještenju o javnoj nabavci i tenderskom dokumentaciji i u skladu sa odredbama Zakona o obligacionim odnosima.

#### Član 5.

U obim roba iz člana 1. ovog Okvirnog sporazuma podrazumijeva se roba po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).

Ukupna vrijednost Okvirnog sporazuma iznosi **24.911,80 bez PDV-a**, prema cijeni koju je Dobavljač ponudio u Anexu 3. Obrazac za cijenu ponude nakon E-Aukcije.

#### Član 6.

- (1) Dobavljač se obavezuje da robu fakturiše mjesečno, na osnovu otpremnih dokumenata (otpremnica i sl.) potvrđenih od strane Ugovornog organa da je robu preuzeo.
- (2) Dobavljač je dužan isporučivati narudžbu sukcesivno Ugovornom organu na osnovu dobivene narudžbenice i to po potpunoj isporuci robe iskazane na narudžbenici.
- (3) Ugovorni organ će plaćati fakture za isporučenu robu u roku do 30 (trideset) dana od nastanka obaveze iz stava (1) ovog člana.
- (4) Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

### III ROK, MJESTO I NAČIN ISPORUKE

#### Član 7.

- (1) Dobavljač se obavezuje da uspostavi evidenciju isporučene nafte i naftnih derivata, koja mora minimum sadržavati: datum izdavanja nafte ili naftnog derivate, broj putnog naloga, registarski broj vozila, ime i prezime lica iz putnog naloga, vrstu i količinu izdate nafte ili naftnog derivate, potpis lica na koje glasi putni nalog, te pečat I potpis lica koje je izdalo robu.
- (2) Dobavljač se obavezuje da će u skladu sa članom 2. i 5. Ovog Okvirnog sporazuma isporučivati robu Ugovornom organu, u skladu sa potrebama i narudžbama iskazanim u pismenom obliku, odmah po dolasku Ugovornog organa.
- (3) Ukoliko u toku trajanja Okvirnog sporazuma Dobavljač promjeni broj telefona I faksa, odmah je dužan pismenim putem obavijestiti Ugovorni organ.
- (4) Dobavljač se obavezuje da će obezbjediti prioritet snabdjevanja Naftom I naftnim derivatima ugovornom organu i da će u svakom momentu imati posebno rezervisane količine roba koje su predmet Okvirnog sporazuma, nezavisno od situacije na tržištu.

#### Član 8.

Dobavljač se obavezuje da će isporuku robe koja je predmet Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

- (1) Ugovorni organ je dužan da dostavi pismeno obavještenje o svakom navodnom propustu Dobavljača po Okvirnom sporazumu.
- (2) Ugovorni organ će utvrditi razuman rok za ispravku propusta Dobavljača u smislu izvršene nabavke i isporuke.

#### **Član 9.**

Dobavljaču se postavlja uslov da nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju istog.

#### **Član 10.**

- (1) Roba utvrđena ovim Okvirnim sporazumom mora biti u skladu sa tenderskom dokumentacijom i zahtjevima Ugovornog organa.
- (2) Ugovorni organ ima pravo stručnog kontroliranja kvaliteta isporučene robe a Dobavljač je u obavezi kontrolu omogućiti.

#### **Član 11.**

Ponuda Dobavljača br. JN-29/21 od od 06.01.2021. godine na temelju koje je sačinjen ovaj Okvirni sporazum, čini sastavni dio istog.

#### **Član 12.**

- (1) Ovaj Okvirni sporazum se zaključuje za ugovorni period od 12 (dvanaest) mjeseci od dana potpisivanja Okvirnog sporazuma.
- (2) U slučaju eventualnih primjedbi Ugovornog organa na kvalitet robe, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.
- (3) Odredbe ovog Okvirnog sporazuma ne mogu se mijenjati nakon njegovog zaključenja.

### **IV UGOVORENE KAZNE I NAKNADA ŠTETE**

#### **Član 13.**

-U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos

-Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti

-Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Okvirnog sporazuma i pravo da o trošku Dobavljača ustupi posao drugom

Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

## V ZAVRŠNE ODREDBE

### Član 14.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

### Član 15.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

### Član 16.

Za sve što nije regulisano ovim Okvirnim sporazumom, primjenjivaće se odredbe Zakona o obligacionim odnosima.

### Član 17.

Ovaj Okvirni sporazum stupa na snagu danom potpisivanja obje ugovorne strane.

### Član 18.

Ovaj Okvirni sporazum je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

HIFA-PETROL d.o.o.  
SARAJEVO  
DIREKTOR



(Muhamed Vrabac)  
Broj: 3 370 /21  
Sarajevo, 04.02.21 godine.

J.U. ZAVOD ZA JAVNO ZDRAVSTVO  
KANTONA SARAJEVO  
DIREKTORICA



(Prof. dr sci med. Aida Pilav)  
Broj: 05.12.100-7523-Okvirni/21  
Sarajevo, 04.02.2021. godine